

Häämas Teänjoogg pue'tti kue'llšee'llempäâ'j kue'llšee'llem-meärröözziin ceä'lkkemnalla

Teänjoogg pue'tti kie'zz kue'llšee'llemrajjtöözziin jee'res šlaaji ko luözz peä'Inn lij vuäzzum pä'rddke'rjjhäämas Lää'dd da Taarr köskksaž sagstööllmööžžin. Häämstest raaukât ceälkkmöözžid 24.3. möönee'st.

Lää'ddjânnam da Taarrjânnam lie sagstööllâm pue'tti kue'llšee'llempäâ'j kue'llšee'llem-meärröözziin jee'res šlaaji ko luözz peä'Inn. Luöss-šee'llem rajjtem vaaiktöözziid pöörgât keä'ppeed lââ'zztee'l vuei'ttemvuõdiđ jee'res šlaaji šeellmõ'sše. Häämstest määtklaid lij ta'rjjeemnalla teeimja nalla låå'pp, koin vuäzz šee'lled keä'ppsõs pozvuoğgneävvaivui'm jee'res šlaajid ko luözz, miärrkuu'ž mie'ldd looggee'l. Lää'ssen miärrkuu'ž e'tkķeet u'vdded šee'lled pä'rğğmannu 20. peei'v räija töözz jee'rab rajjuum kue'llšee'llempäai'kin, koin jie loppkie'zzest leäkku jee'res šlaaj.

Päi'kk-kää'ddest jälsteei kue'llšii'lli vuäitče šee'lled kue'l reeddast da vönnsest vuäggain. Teän jäänmõsân miärkteei kuõškkpaii'kid, Päjj- da Vue'llkeeu'nes, šööddče puk vuögğšeellmööžž kuõskki räauhtõsvu'vdd luözz čärršilli kie'ppeem diõtt.

Sagstööllmööžž mie'ldd pu'httem meâldlaž pä'rddke'rjjhäämstest vuäitt u'vdded ceälkkmöözžid 24.3.2023 räija. Pä'rddke'rjj lij mie'rr vuälläkee'rjted nujuhčmannu aalg räija möönee'st, što ääi'jtäss'saž kue'llšee'llem-meärröözzi Tiânnu vuäzzat viõ'kķe nokk ääi'jeld.

Luöss-šeellmööžž kuõskki sagstööllmööžž tän ee'jj kue'llšee'llem-meärröözziin jou'ddeš tuõ'll'jed parlamee'nt äi'ğğtaauli diõtt takai vue'jjest čärnee'l ju'n čähčča 2022 ko luöss-šee'llem-meärröözziid õõlgi šio'tteed lää'jj tää'zzest. Tää'ssvää'ld preside'ntt raavii 3.3.2023 lää'jj luöss-šeellmööžž mie'rräiggsaž ke'lddmet Teänjoogg čää'ccvuu'dest. 1.5.2023 viõ'kķe pue'tti lää'jj mie'ldd luöss lij räauhtum da luöss-šee'llma õnnum šee'llemneäv viõ'lddum ee'jj loopp räija.

Ceälkkmöözž raukkmõš da töözz kuulli materiaal käunn'je riikksuävtöözzi ha'ņķķõsikkân-kääzzköözziat <https://mmm.fi/hankkeet> di mädd- da meä'cctäällministeria ne'ttseeidain mmm.fi/lausunnolla.

Lää'ssteâđ mädd- da meä'cctäällministeria

Vesa Ruusila, skååtrdemptällõsduumšek , t. 0295162051, [vesa.ruusila\(at\)gov.fi](mailto:vesa.ruusila(at)gov.fi)

Tapio Hakaste, sagstöõlli ve'rğğneķ, t. 295 162 152 [tapio.hakaste\(at\)gov.fi](mailto:tapio.hakaste(at)gov.fi)